

第二五三冊

明倫彙編

宮闈典

公主駙馬部

外戚部

(卷)

卷一

一〇一—一〇四

古今圖書集成

中華書局影印



古今圖書集成

中華書局影印

欽定古今圖書集成明倫彙編宮闈典

第九十二卷目錄

公主駙馬部列傳十

後梁

安陽公主金華公主 俱下嫁羅廷規

長樂公主

下嫁趙巖

普寧公主

下嫁王昭祚

眞寧公主

壽春公主

下嫁羅周翰

晉安公主

下嫁羅周敬

後唐

瓊華長公主

下嫁孟知祥

瑤英長公主

下嫁張延釗

義寧公主

下嫁宋廷浩

永寧公主

晉高祖后

興平公主

下嫁趙延壽

壽安公主

永樂公主

後晉

宋國公主

下嫁杜重威

長安公主

下嫁楊承祚

後漢

末寧公主

下嫁宋偁

後周

樂安公主

壽安公主

下嫁張末德

永寧公主

遼

公主

下嫁蕭敵魯

燕國大長公主

下嫁蕭思溫

公主

下嫁蕭海瑛

秦國長公主

下嫁蕭嘏里

晉國長公主

下嫁蕭夏刺

公主

下嫁蕭幹里

燕國大長公主

下嫁蕭繼先

魏國長公主

下嫁蕭排押

趙國公主

下嫁蕭恆德

公主

下嫁盧俊又嫁蕭神奴

宋國長公主

下嫁蕭匹敵

秦晉國大長公主

下嫁蕭嘏又嫁蕭海里

又嫁蕭胡觀又嫁蕭惠

晉蜀國長公主

下嫁蕭孝忠

南陽公主

下嫁蕭孝先

長寧公主

下嫁蕭楊六

荊國公主

下嫁蕭雙古

潯陽公主

下嫁蕭蓮

臨海公主

下嫁大力秋又嫁蕭慥

古

同昌公主

下嫁劉三般

三河公主

下嫁蕭高九

仁壽公主

下嫁劉四端

公主

下嫁蕭忽烈

金鄉公主

下嫁蕭圖玉

公主

下嫁蕭王六

晉國長公主

下嫁蕭撒八又嫁蕭阿

刺又嫁蕭窩匿

鄭國公主

下嫁蕭余里也

鄭國公主

下嫁蕭末

趙國公主

下嫁蕭捷不也

梁宋國大長公主

下嫁蕭酬幹又嫁蕭特

末

秦晉國長公主

下嫁蕭韓家奴

蜀國公主

宮闈典第九十二卷

公主駙馬部列傳十

後梁

安陽公主

金華公主 俱下嫁羅廷規

按五代史羅紹威傳紹威子廷規娶梁女會梁女卒太祖陰遣客將馬嗣勳選良兵實輿中以長直軍千人雜與夫人魏詐爲助葬太祖以兵繼其後紹威夜以奴兵數百會嗣勳兵擊牙軍并其家屬盡殺之太祖自內黃馳至魏魏兵從攻滄州者行至歷亭聞之皆反分入澶博諸州魏境大亂數月太祖爲悉平之牙軍死魏兵悉叛紹威勢益孤太祖乃欲奪其地紹威始大悔廷規官至司農卿卒廷規娶梁太祖二女

一日安陽公主一日金華公主

長樂公主 下嫁趙巖

按五代史趙準傳準次子嚴梁末帝時爲戶部尚書租庸使與張漢傑漢倫等居中用事梁自太祖以暴虐殺戮爲事而末帝爲人特和柔恭謹然性庸愚以漢傑婦家而嚴壻也故親信之梁之大臣老將皆切

明倫彙編宮闈典第九十二卷公主駙馬部

第二五三冊 之 一 葉

齒末帝獨不悟以至於亡初友珪弑太祖自立以末帝爲東都留守嚴如東都末帝與之飲酒從容以誠款告之嚴爲末帝謀遣人名楊師厚兵起事嚴還西都卒與袁象先以禁兵誅友珪取傳國寶以授末帝末帝立嚴自以有功於梁又尚公主聞唐駙馬杜棕位至將相自奉甚豐恥其不及乃占天下良田大宅哀刻商旅其門如市租庸之物半入其私嚴一飲食必費萬錢故時魏州牙兵驕數爲亂羅紹威盡誅之太祖崩楊師厚逐羅氏據魏州復置牙兵二千人末帝患之師厚死嚴與租庸判官邵贊議曰魏爲唐患百有餘年自先帝時嘗切齒紹威以其前恭而後倨今先帝新棄天下師厚復爲陛下憂所以然者以魏地大而兵多也陛下不以此時制之寧知後人不爲師厚邪不若分相魏爲兩鎮則無北顧之憂矣末帝以爲然乃分相澶衛爲昭德軍牙兵亂以魏博降晉梁由是盡失河北是時梁將劉鄩等與莊宗相拒澶魏之間兵數敗嚴曰古之王者必郊祀天地陛下即位猶未郊天議者以爲朝廷無異藩鎮如此何以威重天下今河北雖失天下幸安願陛下力行之敬翔以爲不可曰今府庫虛竭箕斂供軍若行郊禋則必賞賚是取虛名而授實弊也未帝不聽乃備法駕幸西京而莊宗取楊劉或傳晉兵入東都矣或曰扼汜水矣或曰下鄆濮矣京師大風拔木末帝大懼從官相顧而泣末帝乃還東都遂不果郊鎮州張文禮殺王鎔使人告梁曰臣已北名契丹願梁以兵萬人出德棣州則晉兵懲矣敬翔以爲然嚴與漢傑皆以爲不可乃止其後黜王彥章用段凝皆嚴之力也莊宗

兵將至汴末帝惶惑不知所爲登建國樓以問羣臣羣臣或曰晉以孤軍遠來勢難持久雖使入汴不能守也宜幸洛陽保險以召天下兵徐圖之勝負未可知也未帝猶豫嚴曰勢已如此一下此樓何人可保末帝卒死於樓上當嚴用事時許州溫韜尤曲事嚴嚴因顧其左右曰吾常待韜厚今以急投之必不幸吾爲利乃走投韜韜斬其首以獻莊宗已滅梁嚴素所善段凝奏請誅嚴家屬乃族滅之

普寧公主 下嫁王昭祚

按五代史王鎔傳梁太祖議與鎔和鎔以子昭祚爲質梁太祖以女妻之

眞寧公主

按文獻通考太祖女眞寧公主按史不詳

壽春公主 下嫁羅周翰

按五代史羅紹威傳紹威病表言魏故大鎮多外兵願得梁一有功重臣臨之請以骸骨就第太祖亟命其子周翰監府事尚冀卿復愈耳紹威卒周翰襲父位乾化二年八月爲楊師厚所逐徙爲宣義軍節度使卒於官年十四周翰娶末帝女曰壽春公主

晉安公主 下嫁羅周敬

按五代史羅紹威傳周翰卒周敬代爲宣義軍節度使年十歲徙鎮忠武明年爲秘書監駙馬都尉光祿卿唐莊宗時爲金吾大將軍明宗以爲匡國軍節度使罷爲上將軍晉天福二年卒年三十二周敬亦娶末帝女曰晉安公主

後唐

瓊華長公主 下嫁孟知祥

按五代史孟知祥傳知祥字保引邢州龍岡人也莊宗爲晉王以知祥爲中門使遷馬步軍都虞候莊宗建號以知祥爲太原尹已而唐兵破蜀莊宗遂以知祥爲成都尹劍南西川節度副大使莊宗崩明宗入立知祥乃訓練兵甲陰有王蜀之志明宗欲以恩信懷之乃遣客省使李仁矩慰諭知祥并送瓊華公主歸之長興元年加拜知祥中書令是歲九月知祥遂舉兵反是秋明宗改封瓊華公主爲福慶長公主有司言前世公主受封皆未出降無遣使就蕃冊命之儀詔有司草具新儀乃遣秘書監劉岳爲冊使岳行至鳳翔聞知祥反乃旋明宗下詔削奪官爵詔武軍留後趙季良等請知祥稱王以墨制行事知祥表請封蜀王且言福慶公主已死明宗爲之發哀遣閤門使劉政恩爲宣諭使政恩復命知祥始遣其將朱溫來朝四年二月制以知祥檢校太尉兼中書令行成都尹劍南東西兩川節度管内觀察處置統押近界諸蠻兼西山八國雲南安撫制置等使遣工部尚書盧文紀冊封知祥爲蜀王十一月明宗崩明年二月即皇帝位國號蜀六月知祥卒諡爲文武聖德英烈明孝皇帝廟號高祖

瑤英長公主 下嫁張延釗

按文獻通考武帝次女瑤英長公主適張延釗按史無考

義寧公主 下嫁宋廷浩

按宋史宋偓傳偓父廷浩尚後唐莊宗女義寧公主生偓廷浩歷石原房三州刺史晉初爲汜水關使張從賓之叛力戰死之

永寧公主 晉高祖后

按五代史李皇后傳高祖皇后李氏唐明宗皇帝女也后初號永寧公主清泰二年封魏國長公主自廢帝立常疑高祖必反三年公主自太原入朝千春節辭歸留之不得廢帝醉語公主曰爾歸何速欲與石郎反邪既醒左右告之廢帝大悔公主歸以語高祖高祖由是益不自安高祖即位公主爲皇后

與平公主 下嫁趙延壽

按五代史王淑妃傳契丹犯京師趙延壽所尚明宗公主已死耶律德光乃爲延壽娶從妹是爲永安公主公主不知其母爲誰素亦養於妃妃至京主婚禮

按遼史趙延壽傳延壽本姓劉恆山人父祁令蓀梁開平初滄州節度使劉守文陷蓀其裨將趙得鈞獲延壽養以爲子少美容貌好書史唐明宗先以女妻之及即位封其女爲興平公主拜延壽駙馬都尉樞密使明宗子從榮恃權跋扈內外莫不震懾延壽求補外避之出爲宣武軍節度使清泰初加魯國公復爲樞密使鎮許州石敬瑭發兵太原唐遣張敬達往討會敬達敗保晉安寨延壽與德鈞往救聞晉安已破走圍柏峪太宗追及延壽與其父俱降明年德鈞卒以延壽爲幽州節度使封燕王及改幽州爲南京遷留守總山南事天顯末以延壽妻在晉詔取之以歸自是益自激昂圖報會同初帝幸其第加政事令冬晉人背盟帝親征延壽爲先鋒下貝州授魏博等州節度使封魏王敗晉軍於南樂獲其將賽項羽軍元城晉將李守貞高行周率兵來逆破之至頓丘會大霖雨帝欲班師延壽諫曰晉軍屯河濱不敢出戰

若徑入澶州奪其橋則晉不足平上然之適晉軍先歸澶州高行周至析城延壽將輕兵逆戰上親督騎士突其陣敵遂潰還留延壽徇貝冀深三州八年再伐晉晉主遣延壽族人趙行實以書來招時晉人堅壁不出延壽紿曰我陷幽州久寧忘父母之邦若以軍逆我即歸晉人以爲然遣杜重威率兵逆之延壽至漳沱河據中渡橋與晉軍力戰手殺其將王靖兩軍相拒太宗潛由他渡濟留延壽與耶律朔古據橋敵不能奪屢敗之杜重威城厭衆降上喜賜延壽龍鳳赭袍且曰漢兵皆爾所有爾宜親往撫慰延壽至營杜重威李守貞迎謁馬首後太宗克汴延壽因李崧求爲皇太子上曰吾於魏王雖割肌肉亦不惜但皇太子須天子之子得爲魏王豈得爲也蓋上嘗許滅晉後以中原帝延壽以故摧堅破敵延壽常以身先至是以崧達意上命遷延壽秩翰林學士承旨張礪進擬中京留守大丞相錄尚書事都督中外諸軍事上塗錄尚書事都督中外諸軍事世宗即位以翌戴功授樞密使天祿二年薨

壽安公主

按文獻通考明宗女壽安公主

末樂公主

按文獻通考明宗女末樂公主

後晉

宋國公主 下嫁杜重威

按五代史杜重威傳重威朔州人也其妻石氏晉高祖之女弟高祖即位封石氏爲公主拜重威舒州刺史以典禁兵從侯益攻破張從賓於汜水以功拜

潞州節度使范延光反於鄴重威從高祖攻降延光徙領忠武加同平章事又徙領天平遷侍衛親軍都指揮使安重榮反重威攻破之以功拜成德軍節度使重威出於武卒無行而不知將略出帝與契丹絕好契丹連歲入寇重威閉城自守開運元年加重威北面行營招討使三年契丹寇鎮定重威西趨中渡橋夾漳沱河而軍契丹遣騎擊樂城斷重威軍後是時重威已有異志而糧道隔絕乃陰遣人詣契丹請降契丹大悅明年契丹北歸重威與其妻石氏詣其帳中爲別漢高祖定京師拜重威太尉歸德軍節度使高祖病顧諸大臣曰善防重威高祖崩大臣乃共誅之

長安公主 下嫁楊承祚

按五代史楊光遠傳晉高祖以光遠爲宣武軍節度使爲選其子承祚尚長安公主

後漢

末寧公主 下嫁宋偃

按宋史宋偃傳偃河南洛陽人謙恭下士祖瑤唐天德軍節度兼中書令父廷浩尚後唐莊宗女義寧公主生偃偃年十一以父死事補殿直遷供奉官晉祖嘗事莊宗每偃母入見詔令勿拜因從容謂之曰朕於主家誠無所靳但朝廷多事府庫空竭主所知也今主居輦下薪米爲憂當奉主居西洛以就豐泰命偃分司就養敕有司供給至於醢醢率有加等漢祖在晉陽遣其子承訓至洛奉書偃母與偃結婚即末寧公主也累授北京皇城使漢乾祐初拜右金吾衛大將軍駙馬都尉隱帝即位授昭武軍節度移鎮滑

周祖舉兵向關時偃在鎮開門迎謁周祖深德之偃率所部兵從周祖至劉子陂隱帝衛兵悉走投周祖周祖謂偃曰至尊危矣公近親可亟去擁衛無令驚動偃策馬及御營軍已亂矣廣順初丁內艱服除授左監門衛上將軍世宗征淮南令偃與左龍武統軍趙贊右神武統軍張彥超前景州刺史劉建於壽州四面巡檢師還以偃爲右神武統軍充行營右廂都排陣使又爲廬州城下副部署吳人大發舟師次東沛洲斷蘇杭之路世宗遣偃領戰艦數百艘襲之又遣大將慕容延釗率步騎而進水陸合勢大破之世宗嘗次于野有虎逼乘輿偃引弓射之一發而斃及江北諸州悉平畫江爲界世宗駐迎鑾命偃率舟師三千沂江而上巡警諸郡師還復授滑州節制又移鎮鄧州恭帝卽位加開府儀同三司宋初加檢校太師遣領舟師巡撫江徽舒州團練使司超副之李重進謀以揚州叛偃察其狀飛章以聞太祖令偃屯海陵以觀重進去就遂從征揚州爲行營排陣使及平以功改保信軍節度來朝徙鎮華州會鑿池都城南命偃率舟師數千以習水戰軍駕數臨觀焉五年改忠武軍節度開寶初太祖納偃長女爲后偃本名延渥以父名下字從水開寶初上言改爲偃三年徙邠州太平興國初加同平章事二年移定國軍節度四年從平太原又從征幽州詔偃與尚食使侯昭愿領兵萬餘攻城南面師還歸鎮五年冬車駕幸大名召偃詣行在詔知滄州六年封邢國公俄還同州九年又爲右衛上將軍雍熙中曹彬等北伐班師命偃知霸州歸闕端拱二年卒年六十四廢朝贈侍中諡莊

惠中使護葬偃莊宗之外孫漢祖之壻女卽孝章皇后近代貴盛鮮有其比子元靖至供備庫使元度至供備庫副使元載元亨並至左侍禁閣門祇候初孝章寢疾語晉國長公主曰我瞑目無他憂惟慮族屬不敦睦貽笑於人景德中偃幼子元翰果詣京府求析家財真宗聞之詔釋勿問仍諭其族屬務遵先后遺戒焉元度子惟簡爲殿直惟易爲奉職

後周

樂安公主

按文獻通考周太祖女樂安公主

壽安公主

下嫁張末德按宋史張末德傳末德字抱一井州陽曲人家世饒財曾祖丕尚氣節父頴事晉至安州防禦使末德生四歲母馬氏被出育於祖母事繼母劉氏以孝聞周祖初爲侍衛吏與頴善乃以女妻末德末德迎其母妻詣宋州時寇賊充斥乃易弊衣毀容儀居委巷中有賊過卽邀乞焉給曰此悲田院耳賊卽舍去由是免禍周祖爲樞密使表末德授供奉官押班乾祐中命賜潞帥常遇生辰禮幣遇周祖之外兄弟也時周祖鎮鄆被讒族其家永德在潞州聞有密詔授遇永德探知其意謂遇曰得非泣殺永德耶永德卽死無怨恐累君侯家耳遇愕然曰何謂也永德曰姦邪蠹政郭公誓清君側願且以永德屬吏事成足以爲德不成死未晚遇以爲然止令壯士嚴衛然所以餽之甚厚親問曰君視丈人事得成否永德曰殆必成未幾周祖使至遇賀且謝曰老夫幾誤大事初魏人柴翁以經義教里中有女後唐莊宗時備掖庭明宗入

洛遣出宮柴翁夫妻往迎之至鴻溝遇雨甚踰旬不能前女悉取裝具計直千萬分其半以與父母令歸魏曰兒見溝旁郵舍隊長項黠黑爲雀形者極貴人也願事之問之乃周祖也父母大愧然終不能奪他日語周祖曰君貴不可言妾有緡錢五百萬資君時不可失周祖因其資得爲軍司柴翁好獨寢人傳其能司冥間事一日晨起大笑不已妻問之不對翁好飲其妻逼令飲極醉因漏言曰花項漢作天子矣其妻頗露之遇亦微有聞未深言至是末德故以此諷遇遇送末德歸周祖周祖登位封末德妻爲晉國公主授末德左衛將軍內殿直小底四班都知加駙馬都尉領和州刺史逾年擢爲殿前都虞候領恩州團練使俄遷殿前都指揮使泗州防禦使時年二十四顯德元年井州劉崇引契丹來侵世宗親征戰于高平大將樊愛能何徽方戰退歸時太祖與末德各領牙兵二千末德部下善左射太祖與末德厲兵分進大捷降崇軍七千餘衆及駐上黨世宗晝臥帳中召末德語曰前日高平之戰主將殊不用命樊愛能而下吾將案之以法末德曰陛下欲固守封疆則已必欲開拓疆宇威加四海宜痛懲其失世宗擲枕於地大呼稱善翌日誅二將以徇軍威大振進攻太原師薄城下末德與符彥卿史彥超北控忻口以斷契丹援路太原城四十里周師去城三百步圍之三匝自四月至六月攻之不克契丹援兵果至彥超戰歿繼敗其衆二千餘衆遁去以末德領武信軍節度師還徙義成軍節度時末德父頴爲隸人曹澄等所害因奔南唐會議南征末德請行自効許之師至壽春劉

仁贍堅壁不下末德出疲兵誘之傍伏精騎每戰陽不利北退三十里伏兵突起夾攻大敗之仁贍僅以身免三年世宗親征至壽州城下仁贍執澄等三人檻送行在意求緩師詔賜末德俾其甘心太祖與末德領前軍至紫金山吳人列十八砦戰備嚴整敵壘西偏有高隴下瞰其營中末德選勁弓強弩伏隴旁太祖麾兵直攻第一砦戰陽不勝准人果空砦出關末德亟登隴發伏馳入據之敵衆散走翌日又攻第二砦鼓譟而進始攻北門准人開南門而遁時韓令坤在揚州復爲吳人所逼欲退師世宗怒遣末德率師援之又敗泗州軍千餘於曲溪堤俄屯下蔡時吳人以周師在壽春攻圍日急又恃水戰乃大發樓船蔽江而下泊於濠泗周師頗不利吳將林仁肇帥衆千餘水陸齊進又以船數艘載薪乘風縱火將焚周浮梁周人憂之俄而風反吳人稍却末德進兵敗之又夜使習水者沒其船下縶以鐵鍊引輕船急擊吳人既不得進溺者甚衆奪其巨艦數十艘末德解金帶賞習水者乃距浮梁十餘步以鐵索千餘尺橫截長淮又維巨木自是備禦益堅矣俄又敗千餘衆於淮北岸獲戰船數十艘吳人多溺死詔褒美之冬擢爲殿前都點檢四年從克壽州還制授檢校太尉領鎮寧軍節度五年夏契丹擾邊命末德率步騎二萬拒之從世宗北伐還駐澶淵解兵柄加檢校太尉同中書門下平章事恭帝嗣位移忠武軍節度太祖卽位加兼侍中末德入朝授武勝軍節度入覲召對後苑道舊故飲以巨觥每呼駙馬不名時并汾未下太祖密訪其策末德曰太原兵少而悍加以契丹爲援

未易取也臣以每歲多設游兵擾其農事仍發間使以謀契丹絕其援然後可下也帝然之俄歸本鎮會出師討金陵永德以己資造船數十艘運糧萬斛自順陽沿漢水而下富民高進者豪橫莫能禁永德乃發其姦寘于法進潛詣闕誣永德緣險固置十餘砦圖爲不軌太祖命樞密都承旨曹翰領騎兵察之詰其砦所進曰張侍中誅我宗黨殆盡希中以法報私憤爾翰以進授永德永德遽解縛就市笞而釋之時稱其長者太平興國二年來朝拜左衛上將軍五年坐市秦隴竹木所過矯制免關市算降爲本衛大將軍數月復舊秩六年進封鄧國公雍熙中連知滄雄定三州端拱元年拜安化軍節度召還爲河北兩路排陣使屯定州嘗與契丹戰斬獲甚衆二年丁內艱起服淳化初又代田重進知鎮州二年改泰寧軍節度兼侍中出判并州兼并代都部署永德明天文衛嘗與僚佐會食有報遼兵寇州境者永德用太白萬勝訣占之語坐客曰彼雖以年月便利乘金而來反值歲星對逆兵家大忌必敗未幾折御卿捷報至衆始歎伏自五代用兵多姑息藩鎮頗恣部下販鬻宋初功臣猶習舊事太宗卽位詔羣臣乘傳出入不得賣貨邀利及令人諸處圖回與民爭利末德在太原嘗令親吏販茶規利聞出微外市羊爲轉運使王嗣宗所發罷爲左衛上將軍眞宗卽位進封衛國公未幾判左金吾衛仗事咸平初屢表請老授太子太師分司西京仍以其孫大理寺丞文蔚釐務洛下以便就養二年冬契丹入邊帝將北巡以末德宿將召入對便殿賜坐訪以邊要以老不可從行留爲東

京內外都巡檢使三年制授檢校太師彰德軍節度知天雄軍俄以衰耄命還本鎮是秋卒年七十三遣內園使馮守規護柩還京師贈中書令諸孫遷秩者五人末德出母後適安邑劉祚及末德鎮南陽祚已卒迎母歸州廨起二堂與繼母劉並居劉卒馬預中參時年八十一太宗勞之賜冠帔封莒國大夫人同母弟劉再思署子城使於市西里起大第聚劉族初末德寓睢陽有書生鄰居臥疾末德療之獲愈生一日就末德求末五兩既得卽置鼎中煮之成中金自是日與末德游一日告適淮上語末德曰後當相遇于彼末德曰吳境不通子何可去生曰吾自有術末德送行數舍懇求藥法生曰君當大貴吾不吝此慮損君福言訖而去及末德屯下蔡牙帳前後隊部曲八百人皆金銀刀梁繡旗幟末德善騎射左右分掛十的握十矢疾馳互發發必中淮民環觀有一僧睥睨末德遽召之乃睢陽書生也夜宿帳中復求末法僧曰始語君貴今不謬矣終能謹節當保五十年富貴安用此爲然能降志禮賢當別有授君藥法者末德由此益營家資延致方士故太祖以方外待之初睢陽書生嘗言太祖受命之兆以故末德潛意拱嚮太祖將聘孝明皇后也末德出綰錢金帛數千以助之故盡太祖朝而恩渥不替孫文蔚庫部員外郎文炳殿中丞

末寧公主

按文獻通考周太祖女末寧公主

遼

公主 下嫁蕭敵魯

按遼史公主表太祖一女名質古下嫁淳欽皇后弟蕭敵魯幼為奧姑契丹故俗凡婚燕之禮推女子之可尊敬者坐于奧謂之奧姑未封而卒 按蕭敵魯傳敵魯字敵輦其母為德祖女弟而淳欽皇后又其女兄也敵魯性寬厚膂力絕人習軍旅事太祖潛藩日侍左右凡征討必與行陣既即位敵魯與弟阿古只耶律釋魯耶律曷魯皆總宿衛拜敵魯北府宰相神冊二年十二月卒

燕國大長公主 下嫁蕭思溫

按遼史公主表太宗二女長呂不古應曆間封汧國長公主保寧中進封燕國大長公主下嫁北府宰相蕭思溫以疾薨 按蕭思溫傳思溫小字寅古宰相敵魯之族弟忽沒里之子通書史太宗時為奚禿里太尉尚燕國公主為羣牧都林牙思溫在軍中握輒修邊幅僚佐皆言非將帥才尋為南京留守初周人攻揚州上遣思溫躡其後憚暑不敢進拔綠邊數城而還後周師來侵圍馮母鎮勢甚張思溫請益兵帝報曰敵來則與統軍司併兵拒之敵去則務農作勿勞士馬會敵入東城我軍退渡渚沱而屯思溫勒兵徐行周軍數日不動思溫與諸將議曰敵眾而銳戰不利則有後患不如頓兵以老其師躡而擊之可以必勝諸將從之遂與統軍司兵會師他說請濟師周人引退思溫亦還已而周主復北侵與其將傅元卿李崇進等分道並進圍瀛州陷益津瓦橋淤口三關垂迫固安思溫不知計所出但云車駕旦夕至麾下士奮躍請戰不從已而陷易瀛莫等州京齊人皆震駭往往遁入西山思溫以邊防失利恐朝廷罪已表

請親征會周主榮以病歸思溫退至益津偽言不知所在遇步卒二千餘人來拒敗之是年聞周喪燕民始安乃班師時穆宗酒嗜殺思溫以密戚預政無所匡輔士論不與十九年春蒐上射熊而中思溫與夷離畢牙里斯等進酒上壽帝醉還宮是夜為庖人斯奴古等所弑思溫為北院樞密使兼北府宰相仍命世預其選上冊思溫女為后加尚書令封魏王從帝獵間山為賊所害

公主 下嫁蕭海環

按遼史公主表太宗次女名朝瑰下嫁北府宰相蕭海環應曆初未封卒 按蕭海環傳海環字寅的晒其先遙輦氏時為本部夷離董父塔列天顯間為本部令穩海環貌魁偉膂力過人天祿間娶明王安端女萬因翁主應曆初察割亂萬因連坐繼娶嘲瑰翁主以近戚嘉其勤篤命預北府宰相選項之總知軍國事時諸王多坐反逆海環為人廉謹達政體每被命案獄多得其情人無冤者繇是知名漢主劉承鈞每遣使人貢必別致幣物詔許受之年五十卒帝愍悼輟朝三日

秦國長公主 下嫁蕭嘏里

按遼史公主表世宗三女懷節皇后生和古典保寧間封秦國長公主下嫁侍中蕭嘏里以疾薨

晉國長公主 下嫁蕭夏刺

按遼史公主表世宗第二女名觀音保寧間封晉國長公主下嫁蕭夏刺

公主 下嫁蕭幹里

按遼史公主表世宗第三女名撒刺下嫁蕭幹里未

封卒

燕國大長公主 下嫁蕭繼先

按遼史公主表景宗四女唐聖皇后生三女長觀音女封魏國公主進封齊國景福中封燕國大長公主下嫁北府宰相蕭繼先皇后加愛賜奴婢萬口重熙中薨 按蕭繼先傳繼先字楊隱小字雷只哥幼穎悟叔思溫命為子唐知皇后尤愛之乾亨初尚齊國公主拜駙馬都尉統和四年宋人來侵繼先必將本府兵先從拔狼山石壘從破宋軍應州上南征取通利軍戰稱捷力及親征高麗以繼先年老留守上京卒年五十八繼先雖處富貴尚儉素所至以善治稱故將兵攻戰未嘗失利名重戚里

魏國長公主 下嫁蕭排押

按遼史公主表景宗次女長壽女封吳國公主統和初進封衛國改封魏國長公主下嫁宰相蕭排押開泰六年薨 按蕭排押傳排押字韓隱國舅少父房之後多智略能騎射統和初為左皮室詳穩討阻卜有功四年破宋將曹彬米信兵於望都凡軍事有疑每預參決尋總末寧宮分紮及舍利拽刺二皮室等軍與樞密使耶律斜軫收復山西所陷城邑是冬攻宋隸先鋒圍蒲城率所部先登拔之改南京統軍使尚衛國公主拜駙馬都尉加同政事門下平章事十三年歷北南院宣徽使條上時政得失及賦役法上嘉納焉十五年加政事令遷東京留守二十二年復攻宋將渤海軍下德清軍後蕭撻卒專任南面事宋和議成為北府宰相聖宗征高麗將兵由北道進至開京西嶺破敵軍斬數千級高麗王詢懼奔平州

趙國公主 下嫁蕭恒德

公主 下嫁盧俊 又嫁蕭神奴

宋國長公主 下嫁蕭匹敵 按公主表作蕭匹里疑訛

秦晉國大長公主 下嫁蕭噉 又嫁蕭海里

又嫁蕭胡覩 又嫁蕭惠

按遼史公主表聖宗第二女巖母董欽哀皇后所生開泰七年封魏國公主進封秦國長公主改封秦晉國長公主清寧初加大長公主下嫁蕭嘏不睦改適

罪胡覩又欲要權歲時獻遺珍玩畜產于革二人相

愛過于兄弟胡觀族弟敵烈爲北剋薦國舅詳穩蕭

胡篤于胡覩胡覩見其辯給壯勇傾心交結每遇休

沐言論終日人皆怪之會胡覩同知北院樞密事奏

胡篤及敵烈可用帝以敵烈爲旗鼓拽刺詳穩胡篤

爲宿直官及革構陷其兄阿剌胡篤陰爲之助時人

醜之耶律乙辛知北院樞密事胡覲位在乙辛下意

快快不平胡覩嘗與重元子湜魯古謀逆欲其速

發會車駕獵太子山遂與涅魯古脅弩手軍犯行宮

既戰涅魯古中流矢而斃衆皆逃散時同黨耶律撒

刺竹適在圍場聞亂率噦夫來援其黨謂胡覩等曰

我軍甚衆乘其無備中夜決戰事冀有成若至明日

其誰從我胡覲曰倉卒中黑白不辨若內外軍相應

則吾事去矣黎明而發可遲之有重元德胡觀之計

命四面巡警寺曰是夜司黨立重元晉立虎胡親自

爲區密吏明日戮改朔規皮削單綺置挂至十七樂

爲相寧伯明曰單貝古都祿倉里馬遠元三

拔力死王同日諫之 拔蕭惠伯惠三伯伯以

朋古思得金皇后弟阿古只五世孫祿以中宮新舊

國舅詳穩從伯父排押征高麗至奴古達北嶺高麗阻險以拒惠力戰破之及攻開京以軍律整肅間授契丹行宮都部署開泰二年改南京統軍使未幾爲右夷離畢加同中書門下平章事朝議以遼東重地非勳戚不能鎮撫乃命惠知東京留守事改西北路招討使封魏國公太平六年討回鶻阿薩蘭部徵兵諸路獨阻卜酋長直刺後期立斬以徇進至甘州攻圍三日不克而還時直刺之子聚兵來襲阻卜酋長烏八密以告惠未之信會西阻卜叛襲三克軍都監涅魯古突舉部節度使諸里阿不呂等將兵三千來救遇敵於可敦城西南諸里阿不呂戰歿士卒潰散惠倉卒列陣敵出不意攻我營衆請乘時奮擊惠以我軍疲敝未可用弗聽烏八請以夜斫營惠又不許阻卜歸惠乃設伏兵擊之前鋒始交敵敗走惠爲招討累年屢遭侵掠士馬疲困七年左遷南京侍衛親軍馬步軍都指揮使尋遷南京統軍使與宗即位知興中府歷順義軍節度使東京留守西南面招討使加開府儀同三司檢校太師兼侍中封鄭王賜推誠協謀竭節功臣重熙六年復爲契丹行宮都部署加守太師徙王趙拜南院樞密使更王齊是時帝欲一天下謀取三關集羣臣議惠曰兩國強弱聖慮所悉宋人西征有年師老民疲陛下親率六軍臨之其勝必矣蕭孝穆曰我先朝與宋和好無罪伐之其曲在我况勝敗未可逆料願陛下熟察帝從惠言迺遣使索宋十城會諸軍於燕惠與太弟帥師歷宋境宋人重失十城增歲幣請和惠以首功進王韓十二年兼北府宰相同知元帥府事又爲北樞密使十三年夏

國李元昊誘山南党項諸部帝親征元昊懼請降惠曰元昊忘奕世恩萌姦計車駕親臨不盡歸所掠天誘其衷使彼來迎天與不圖後悔何及帝從之詰旦進軍夏人列拒馬於河西蔽盾以立惠擊敗之元昊走惠麾先鋒及右翼邀之夏人千餘潰圍出我師逆擊大風忽起飛沙眯目軍亂夏人乘之蹂踐而死者不可勝計詔班師十七年尚帝姊秦晉國長公主拜駙馬都尉明年帝復征夏國惠自河南進戰糧糧船綿互數百里旣入敵境偵候不還鎧甲載于車軍士不得乘馬諸將咸請備不虞惠曰諒祚必自迎車駕何暇及我無故設備徒自弊耳數日我軍未嘗候者報夏師至惠方詰妄言罪諒祚軍從阪而下惠與麾下不及甲而走追者射惠幾不免軍士死傷尤衆師還以惠子慈氏奴歿於陣詔釋其罪十九年請老詔賜肩輿入朝策杖上殿辭章再上乃許之封魏國王詔冬夏赴行在參決疑議既歸遣賜湯藥及他賜賚不絕每生日輒賜詩以示尊寵清寧二年薨年七十四遣命家人薄葬計開輟朝三日惠性寬厚自奉儉薄與宗使惠恣取珍物惠曰臣以戚屬據要地祿足養廉奴婢千餘不爲闕乏陛下猶有所賜貧於臣者何以待之帝以爲然故爲將雖數敗劾不之罪也

晉蜀國長公主 下嫁蕭孝忠

按遼史公主表聖宗第三女名璽古亦欽哀皇后所生封越國公主進封晉國景福初封晉蜀國長公主清寧初加大長公主下嫁蕭孝忠姿質秀麗禮法自章 按蕭孝忠傳孝忠字撒板小字圖古斯志慷慨開泰中補祇候郎君尚越國公主拜駙馬都尉累遷

殿前都點檢太平中擢北府宰相重熙七年爲東京留守時禁渤海人擊毬孝忠言東京最爲重鎮無從禽之地若非毬馬何以習武且天子以四海爲家何分彼此宜弛其禁從之十二年入朝封楚王拜北院樞密使國制以契丹漢人分北南院樞密治之孝忠奏曰一國二樞密風俗所以不同若併爲一天下幸甚事未及行薨追封楚國王帝素服哭臨赦死囚數人爲孝忠薦福葬日親臨賜官戶守塚子阿速終南院樞密使

南陽公主 下嫁蕭孝先

按遼史公主表蕭氏生二女蕭氏國舅夷離畢房之女名崔八聖宗第四女封南陽郡主進封公主下嫁蕭孝先太平末東京大延琳反遇害 按蕭孝先傳孝先字延寧小字海里統和十八年補祇候郎君尚南陽公主拜駙馬都尉開泰五年爲國舅詳穩將兵城東鄣還爲南京統軍使太平三年爲漢人行宮都部署尋加太子太傅五年遷上京留守以母老求侍復爲國舅詳穩改東京留守會大延琳反被圍數月穴地而出延琳平留守上京十一年帝不豫欽哀召孝先總禁衛事與宗諒陰欽哀弒仁德皇后孝先與蕭泥下蕭匹敵等謀居多及欽哀攝政遂授天平軍節度使加守司徒兼政事令重熙初封楚王爲北院樞密使孝先以椒房親爲太后所重在樞府好惡自恣權傾人主朝多側目二年太后與孝先謀廢立事帝知之勒衛兵出宮召孝先至諭以廢太后意孝先震懼不能對遷太后于慶州孝先恆鬱鬱不樂四年徙王晉後爲南京留守卒諡忠肅

長寧公主 下嫁蕭楊六

按遼史公主表聖宗第五女名陶哥封長寧郡主進封公主下嫁蕭楊六

荆國公主 下嫁蕭雙古

按遼史公主表聖宗第六女名錮匿亦蕭氏生封平原郡主進封荆國公主下嫁蕭雙古

潯陽公主 下嫁蕭璉

按遼史公主表馮氏生一女名九哥聖宗第七女也下嫁蕭璉

臨海公主 下嫁大力秋 又嫁蕭慥古

按遼史公主表大氏生一女長壽聖宗第八女也封臨海郡主進封公主下嫁大力秋坐大延琳事伏誅改適蕭慥古

同昌公主 下嫁劉三振

按遼史公主表白氏生四女長名八哥聖宗第九女也封同昌縣主進封公主下嫁劉三振 按劉六符傳六符子三振第進士尚主爲駙馬都尉獻聖宗一矢斃雙鹿賦上嘉其贍麗與公主不諧奔宋歸殺之

三河公主 下嫁蕭高九

按遼史公主表聖宗第十女名十哥封三河郡主進封公主下嫁奚王蕭高九 按蕭木哲傳木哲孝穆弟高九之子以戚屬加監門衛上將軍

仁壽公主 下嫁劉四端

按遼史公主表聖宗第十一女名肇失封仁壽縣主進封公主下嫁劉四端 按劉六符傳六符弟四端以衛尉少卿使宋賀生辰方宴大張女樂竟席不顧人憚其嚴還拜樞密直學士

公主 下嫁蕭忽烈

按遼史公主表聖宗第十二女名泰哥下嫁蕭忽烈金鄉公主 下嫁蕭圖玉

按遼史公主表聖宗第十三女賽哥母李氏封金鄉郡主進封公主統和中下嫁蕭圖玉以殺奴婢得罪薨於貶所 按蕭圖玉傳圖玉字兀衍北府宰相海黎之子統和初皇太后稱制以戚屬入侍尋爲烏古部都監討速母縶等部有功遷烏古部節度使十九年總領西北路軍事後以本路兵伐甘州降其酋長牙懶既而牙懶復叛命討之克肅州盡遷其民於土隄口故城師還詔尚金鄉公主拜駙馬都尉加同政事令門下平章事上言曰阻卜今已服化宜各分部治以節度使上從之自後節度使往往非材部民怨而思叛開泰元年七月石烈太師阿里底殺其節度使西奔窩魯朶城蓋古所謂龍亭單于城也已而阻卜復叛圍圖玉于可敦城勢甚張圖玉使諸軍齊射却之屯於窩魯朶城明年北院樞密使耶律化哥引兵來救圖玉遣人誘諸部皆降帝以圖玉始雖失計後得人心釋之仍領諸部請益軍詔讓之曰叛者既服兵安用益且前日之役死傷甚衆若從汝謀邊事何時而息遂止會公主坐殺家婢降封郡主圖玉罷使相尋起爲烏古敵烈部詳穩以老代還卒子雙古南京統軍使孫訛篤幹尚三韓郡王合魯之女骨浴公主終烏古敵烈部統軍使以善戰名於世

公主 下嫁蕭王六

按遼史公主表聖宗第十四女名典哥母艾氏下嫁蕭王六

晉國長公主 下嫁蕭撒八 又嫁蕭阿剌

又嫁蕭窩匿

按遼史公主表與宗二女第一名跋芹仁懿皇后生封魏國公主重熙末徙封晉國加長公主下嫁駙馬都尉蕭撒八不諧離之清寧初改適蕭阿剌以婦道不修徙中京又適蕭窩匿 按蕭孝穆傳孝穆子撒八字周隱七歲以戚屬加左右千牛衛大將軍重熙初補祗候郎君性廉介風姿爽朗善毬馬馳射帝每燕飲喜諸譚撒八雖承寵顧常以禮自持時人稱之以柴閒禮恩加檢校太傅末與官使總領左右護衛同知點檢司事尙魏國公主拜駙馬都尉爲北院宣徽使仍總知朝廷禮儀重熙末出爲西北路招討使武寧郡王居官以治稱清寧初薨年三十九追封齊王 按蕭阿剌傳阿剌字阿里懶北院樞密使孝穆之子也幼養官中與宗尤愛之重熙六年爲弘義宮使累遷同知北院樞密使加同中書門下平章事出爲東京留守二十一年拜西北路招討使封西北郡王尋尙秦晉國王公主拜駙馬都尉清寧元年遺詔拜北府宰相兼南院樞密使進王韓明年改北院樞密使徙王陳與蕭革同掌國政革詔諛不法阿剌爭之不得告歸上由此惡之除東京留守會行瑟瑟禮入朝陳時政得失章以事中傷帝怒益殺之皇太后營救不及大慟曰阿剌何罪而遽見殺帝乃優加賻贈葬乾陵之赤山阿剌性忠果曉世務有經濟才議者以謂阿剌若在無重元乙辛之亂

鄭國公主 下嫁蕭余里也

按遼史公主表與宗第二女名幹里太母仁懿皇后

封鄭國公主清寧間加長公主壽隆間加大長公主下嫁蕭余里也 按蕭余里也傳余里也字訛都橈國舅阿刺次子便依滑稽善女工重熙間以外戚進清寧初補祇候郎君尚鄭國公主拜駙馬都尉累遷南面林牙以父阿刺爲蕭草所譖出余里也爲奉先軍節度使十年冬名爲北面林牙咸雍中會有告余里也與族人木哲謀害耶律乙辛按無狀出爲寧遠軍節度使自後余里也揣乙辛意傾心事之薦爲國舅詳穩大康初封遼西郡王時乙辛擅恣凡不附己者出之乃引余里也爲北府宰相兼契丹行宮都部署事及乙辛謀構皇太子余里也多助成之遂知北院樞密事賜推誠協贊功臣以女姪妻乙辛子經也特勢橫肆至有無君之語朝野側目帝出乙辛知南院大王事坐與乙辛黨以天平軍節度使歸第尋拜西北路招討使以母憂去官卒

鄭國公主 下嫁蕭末
按遼史公主表道宗三女長名撒葛只母宣懿皇后封鄭國公主咸和中徙封魏國下嫁蕭末端麗有智太康初薨

趙國公主 下嫁蕭撻不也
按遼史公主表道宗次女名紇里母宣懿皇后封齊國公主進封趙國下嫁駙馬都尉蕭撻不也也不坐昭懷太子事被害其弟訛都幹欲逼向公主公主以訛都幹黨乙辛惡之未幾訛都幹以事伏誅天祚幼乙辛用事公主每以匡救爲心竟誅乙辛大安五年疾薨 按蕭撻不也傳撻不也字幹里端國舅郡王高九之孫性剛直咸雍中補祇候郎君太康元年爲

彰愍宮使尚趙國公主拜駙馬都尉三年改同知漢人行官都部署與北院宣徽使耶律撻不也善乙辛嫉之令人誣告謀廢立事不勝撻不也上引問皆贖不能自陳遂見殺乾統間追封蘭陵郡王繪像宜福殿

梁宋國大長公主 下嫁蕭蕭幹 又嫁蕭特末

按遼史公主表道宗第三女名特里封趙國公主乾統初進封秦晉國大長公主徙封梁國大長公主下嫁蕭蕭幹公主從天祚出奔明年攻應州留公主守輜重金人圍之公主奔行在所天祚潛遁爲金人所獲太康八年以駙馬都尉蕭蕭幹得罪離之大安初改適蕭特末爲都統與金人戰敗於石鞏驛被擒按蕭蕭幹傳蕭蕭幹字訛里本國舅少父房之後祖阿刺終採訪使父別里刺以后父封趙王蕭蕭幹雄偉性易年十四尚趙國公主拜駙馬都尉爲祇候郎君班詳穩年十八封蘭陵郡王時帝欲立皇孫爲嗣恐無以解天下疑出蕭蕭幹爲國舅詳穩降皇后爲惠妃遷於乾州初蕭蕭幹母入朝擅取驛馬至是覺奪其封號復與妹魯姐爲巫蠱伏誅詔蕭蕭幹與公主離婚籍與聖宮流烏古敵烈部天慶中以妹復尊爲太皇太妃召蕭蕭幹爲南女直詳穩遷征東副統軍時廣州渤海作亂乃與駙馬都尉蕭韓家奴襲其不備平之復敗敵將侯葉於川州是歲東京叛遇敵來擊師潰獨蕭蕭幹率麾下數人力戰歿於陣追贈龍虎衛上將軍 按蕭特末傳特末字何寧爲人機辨任氣太平中累遷安東軍節度使有能稱十一年召爲左祇候

郎君班詳穩未幾遷左夷離畢重熙十年累遷北院宣徽使劉六符使宋索十縣故地未請增銀絹十萬兩足以易之歸稱旨加同政事門下平章事詔城西南渾底甸還復爲北院宣徽使卒

秦晉國長公主 下嫁蕭韓家奴
按遼史公主表昭懷太子一女名延壽封楚國公主徙封許國乾統元年進封趙國加秦晉國長公主下嫁蕭韓家奴幼遭乙辛之難與兄天祚俱養於蕭懷忠家後李氏進挾穀歌文帝感悟召還宮 按蕭韓家奴傳韓家奴字括寧奚長渤海恩之後性孝友太平中補祇候郎君累遷敦睦宮使伐夏爲左翼都監遷北面林牙俄爲南院副部署賜玉帶改奚六部大王治有聲清寧初封韓國公歷南京統軍使北院宣徽使封蘭陵郡王九年前上獵太子山聞重元亂馳詣行在帝倉卒欲避於北南大王院與耶律仁先執轡固諫乃止明旦重元復誘奚獵夫來韓家奴獨出諭之曰汝曹去順效逆徒取族滅何若悔過轉禍爲福獵夫投仗首服以功遷殿前都點檢封荆王賜資忠保義奉國竭貞平亂功臣咸雍二年遷西南面招討使大康初徙王吳賜白海東青鵲皇太子爲乙辛誣構幽於上京韓家奴上書力言其冤不報四年復爲西南面招討使例削一字王爵改王蕭陵薨于楊九終右祇候郎君班詳穩贈同中書門下平章事

蜀國公主
按遼史公主表天祚六女文妃生一女名余里衍封蜀國公主爲金人所獲元妃生三女宮人生二女俱爲金人所獲

宋

秦國大長公主

下嫁米福德又嫁高懷

德

申國公主

成國公主

朮國公主

魏國大長公主

下嫁王承衍

魯國大長公主

下嫁石保吉

滕國公主

徐國大長公主

下嫁吳元辰

邠國大長公主

陳國大長公主

下嫁魏咸信

楊國大長公主

下嫁柴宗慶

雍國大長公主

下嫁王貽永

衛國大長公主

荆國大長公主

下嫁李遵勛

惠國公主

昇國大長公主

周陳國大長公主

下嫁李瑋

徐國公主

鄧國公主

鄭國公主

楚國公主

商國公主

魯國公主

唐國公主

陳國公主

豫國公主

秦魯國大長公主

下嫁錢景臻

兗國大長公主

下嫁曹詩

燕舒國大長公主

下嫁郭獻卿

舒國公主

魏楚國大長公主

下嫁王師約

魏國大長公主

下嫁王詵

韓魏國大長公主

下嫁張敦禮

周國長公主

楚國公主

唐國長公主

下嫁韓嘉彥

潭國長公主

下嫁王遇

鄆國公主

潞國公主

邢國公主

兗國公主

徐國長公主

下嫁潘意

鄧國公主

陳國公主

下嫁石端禮

秦國長公主

下嫁潘正夫

楊國公主

嘉德帝姬

下嫁曹寅

榮德帝姬

下嫁曹展

順淑帝姬

安德帝姬

茂德帝姬

壽淑帝姬

惠淑帝姬

下嫁宋邦光

安淑帝姬

下嫁蔡偉

崇德帝姬

下嫁曹湜

康淑帝姬

榮淑帝姬

保淑帝姬

下嫁向子房

成德帝姬

下嫁田丕

洵德帝姬

悼穆帝姬

下嫁劉文彥

顯德帝姬

熙淑帝姬

敦淑帝姬

下嫁向子辰

順德帝姬

柔福帝姬

申福帝姬

寧福帝姬

保福帝姬

賢福帝姬

仁福帝姬

和福帝姬

末福帝姬

惠福帝姬

令福帝姬

華福帝姬
慶福帝姬
儀福帝姬
純福帝姬
恭福帝姬
嘉國公主
文安郡主
安康郡主
祁國公主
周漢國公主

宮闈典第九十三卷
公主駙馬部列傳十一

宋

秦國大長公主 下嫁米福德 又嫁高懷德
按宋史公主列傳秦國大長公主太祖同母妹也初
適米福德福德卒太祖即位建隆元年封燕國長公
主再適忠武軍節度使高懷德賜第興寧坊開寶六
年十月薨太祖臨哭廢朝五日賜諡恭懿真宗追封
大長公主元符三年改秦國政和四年改封恭懿大

長帝姬有姊一人未笄而天建隆二年追封陳國長
公主元符改封荆國大長公主政和改封恭獻大長
帝姬 按高懷德傳懷德字藏用真定常山人周天
平節度齊王行周之子懷德忠厚倜儻有武勇行周
歷延路二鎮及留守洛都節制宋毫皆署以牙職晉
開運初遼人侵邊以行周為北面前軍都部署懷德
始冠白行周願從北征行周壯之許其行至戚城遇
遼軍被圍數重援兵不至危甚懷德左右射縱橫馳
突衆皆披靡挾父而出以功領羅州刺史賜珍裘寶
帶名馬以寵異之及行周移鎮鄆州改集州刺史仍
領牙枝又遷信州刺史從行周再鎮宋州晉末契丹
南侵以行周為邢趙路都部署禦之畱懷德守睢陽
會杜重威降契丹京東諸州羣盜大起懷德堅壁清
野敵不能入行周率兵歸鎮敵遂解去漢初行周移
鎮魏博及再領天平以懷德為忠州刺史領職如故
周祖征慕容彥超還過汶上寵賜行周甚厚并賜懷
德衣帶綵綬鞍勒馬行周卒召懷德為東西班都指
揮使領吉州刺史改鐵騎都指揮使太原劉崇入寇
世宗討之以懷德為先鋒都虞候高平克捷以功遷
鐵騎右廂都指揮使領果州團練使從征淮南知廬
州行府事充招安使戰廬州城下斬首七百餘級尋
遷龍捷左廂都指揮使領岳州防禦使賜駿馬七匹
南唐將劉仁贍據壽春舒元據紫金山置連珠砦為
援以抗周師世宗命懷德率帳下親信數十騎覘其
營壘懷德夜涉淮遲明賊始覺來戰懷德以少擊衆
擒其裨將以還盡偵知其形勢強弱以白世宗世宗
大喜賜襲衣金帶器幣銀鞍勒馬世宗一日因按轡

淮壖以觀賊勢見一將追擊賊衆奪槩以還令左右
問之乃懷德也召至行在慰勞許以節鉞世宗北征
命與韓通率兵先抵滄州初得關南又命副陳思讓
為雄州兵馬都部署克瓦橋關降姚內斌以歸恭帝
嗣位擢為侍衛馬軍都指揮使領江寧軍節度又為
北面行營馬軍都指揮使太祖即位拜殿前副都點
檢移鎮滑州充關南副都部署尚宣祖女燕國長公
主加駙馬都尉李筠叛上黨帝將親征先令懷德率
所部與石守信進攻破筠衆於澤州南事平以功遷
忠武軍節度檢校太尉從平揚州建隆二年改歸德
軍節度開寶六年秋加同平章事冬長公主薨去駙
馬都尉號太宗即位加兼侍中又加檢校太師太平
興國三年春被病詔太醫王元祐道士馬志就第療
之四年從平太原改鎮曹州封冀國公七年改武勝
軍節度是年七月卒年五十七贈中書令追封渤海
郡王諡武穆懷德將家子練習戎事不喜讀書性簡
率不拘小節善音律自為新聲度曲極精妙好射獵
嘗三五日露宿野次獲狐兔累數百或對客不揖而
起由別門引數十騎從食於郊子處恭歷莊宅使至
右監門衛大將軍致仕處俊至西京作坊使

中國公主

按宋史公主列傳太祖六女申國公主早亡

成國公主

按宋史公主列傳成國公主早亡

永國公主

按宋史公主列傳永國公主早亡

魏國大長公主 下嫁王承衍

按宋史公主列傳魏國大長公主開寶三年封昭慶公主下嫁左衛將軍王承衍賜第景龍門外太宗即位進封鄭國淳化元年改封秦國眞宗至道三年進長公主大中祥符元年薨賜諡賢肅元符改封魏國

大長公主政和改賢肅大長帝姬 按王審琦傳審琦子承衍字希甫幼端謹審琦鎮兗海壽春皆署以牙職開寶初補內殿供奉官都知三年尚太祖女昭慶公主授右衛將軍駙馬都尉仍充都知踰年領恩州刺史加本州防禦使太平興國初遷應州觀察使二年春太宗幸其第賜宴承衍以金器名馬爲壽詔賜銀萬兩錦綵五千疋三年加檢校太保坐市竹木秦隴矯制免稅算罰一季奉七年授彰國軍節度雍熙中出知天雄軍府兼都部署時契丹擾鎮陽候騎至冀州去魏二百餘里鄰境戒嚴城中大恐屬上元節承衍下令市中及佛寺然燈設樂與賓佐宴遊達旦人賴以安明年召還復爲貝冀都部署端拱初換永清軍節度再知天雄軍吏民千餘詣監軍請爲本道節帥詔褒之眞宗即位改河中尹護國軍節度加檢校太尉咸平六年以疾求罷節鉞三抗表不許帝自臨問至臥內慰勉久之賜予甚厚擇尚醫數人迭宿其第卒年五十二車駕親臨贈中書令給卹薄葬諡恭肅其後公主請置守冢五戶從之承衍善騎射曉音律頗涉學藝好吟咏以功臣子尚主貴顯擁富貴自奉甚厚子世安世隆世雄世融世安至崇儀副使通事舍人世隆字本支以公主子爲如京副使歷洛苑六宅二使領平州刺史性驕恣每坐諸叔之上人皆嗤之景德初卒特贈泰州防禦使召見其三子

賜名克基克緒克忠皆面授供奉官世雄至內殿崇班世融爲內殿承制世安子克正殿中丞克基克忠並爲西染院副使兼閣門通事舍人克緒至內殿承制世隆幼子克明爲西上閣門副使

魯國大長公主 下嫁石保吉

按宋史公主列傳魯國大長公主開寶五年封延慶公主下嫁左衛將軍石保吉太宗即位進封許國淳化元年改晉國眞宗初進長公主大中祥符二年進大長公主薨賜諡賢靖元符改封魯國政和改賢肅大長帝姬 按石守信傳守信子保吉字祐之初以蔭補天平軍衙內都指揮使開寶四年召見賜襲衣玉帶金鞍勒馬選尚太祖第二女延慶公主拜左衛將軍駙馬都尉俄領愛州刺史太平興國初遷本州防禦使五年坐遺親吏市竹木秦隴間矯制渡關爲王仁瞻所發罰一季俸七年改朔州觀察使守信卒起復爲威塞軍節度雍熙三年出知河陽四年召入復命知大名府兼兵馬都部署連改橫海安國二鎮節度眞宗即位加檢校太尉保平軍節度車駕北巡命爲河北諸路行營都部署屯定州景德初改武寧軍節度同平章事冬幸澶淵命與李繼隆分爲駕前東西面都排陣使軍于北門外邊騎數萬驟至城下保吉不介馬而馳當其鋒遼人引去俄而請盟錫宴射於行宮後苑帝謂繼隆等曰自古北邊爲患今其畏威服義息戰安民卿等力也保吉進曰臣受命禦患上稟成算至於布列行陣指授方略皆出於繼隆繼隆曰宣力用心躬率將士臣不如保吉帝曰卿等協和共致太平軍旅之事朕復何憂歡甚賜以襲衣

金帶鞍勒馬二年改鎮安軍節度未幾自治所來朝願奉朝請從之四年部民上治狀乞還鎮所詔獎諭之仍從其請大中祥符初從東封攝司徒封祀壇奉俎加檢校太師還鎮冬公主疾詔歸視主薨明年保吉卒年五十七贈中書令諡莊武保吉姿貌瓌頎頗有武幹累世將相家多財所在有邸舍別墅雖饌品亦飾以綵繡好治生射利性尤驕倨所至峻暴好殺待屬吏不以禮鎮大名也葉齊查道皆知名士嘗械以運糧初程能爲京西轉運保吉託治其私負能不從至是其子宿爲屬邑吏將辱之會有辟召乃止又染家貸錢息不盡入質其女其父上訴眞宗命遣還書有僕侵盜私積不時求對懇請配賦帝曰是有常法不可保吉請不已帝戒勸之善弋獵畜鸞禽獸數百令官健羅鳥雀飼之人有規勸者輒怒之在陳州盛飾廨舍以迂貴主因完葺城壁疏牖于上以瞰衢路如箭窓狀未嘗上聞實佐諫之不聽頗涉衆議初守信鎮陳五十七卒及保吉繼是鎮壽亦止是談者異之保吉子貽孫任崇儀使帶御器械坐事免官孝孫西京左藏庫使

滕國公主

按宋史公主列傳太宗七女長滕國公主早亡

徐國大長公主 下嫁吳元辰

按宋史公主列傳徐國大長公主太平興國九年封蔡國下嫁左衛將軍吳元辰淳化元年改魏國薨諡英惠至道三年追封燕國長公主景祐三年進大長公主元符改徐國政和改英惠大長帝姬 按吳延祚傳延祚子元辰字君華太平興國八年遷尚太宗

第四女蔡國公主授左衛將軍駙馬都尉明年正月領愛州刺史是冬領本州團練使雍熙三年有事北邊元辰表求試劇郡命知鄆州逾年召入尋知河陽還朝改鄆州觀察使特詔朝會序班次節度使奉祿賜予悉增之再知河陽淳化元年以主疾召還主薨復遣之任五年秋霖河溢奔注溝洫城壘將壞元辰躬涉泥滓督工補塞民多構木樹杪以避水元辰命濟以舟楫設餅餌以食時澶陝悉罹水災元辰所部賴以獲安真宗即位換安州觀察使俄知澶州咸平三年轉運使劉錫上其治狀詔書嘉獎遷寧國軍留後知定州時王超王繼忠領兵踰唐河與遼人戰元辰度其必敗乃急發州兵護河橋既而超輩果敗遼人乘之至橋見陣兵甚盛遂引去考滿吏民詣闕貢馬疏其善政十事願借留樹碑表其德政詔褒之屬歲旱吏白召巫以土龍請雨元辰曰巫本妖民龍止獸也安能格天唯精誠可以動天乃集道人設壇潔齋三日百拜祈禱澍雨沾洽景德三年代歸拜武勝軍節度三年以陵域積水議堙掘溝澗命為修諸陵都部署以內侍副都知閭承翰副之出知潞州初并代澤潞皆分轄成卒後并於太原至是以元辰臨鎮遂分領澤潞晉絳磁隰威勝七州軍戎事委元辰專總之東封表求扈從命祀青帝禮畢加檢校太傅知徐州大中祥符四年以祀汾陰恩改鎮山南東道五月制書下元辰被疾卒年五十贈中書令諡忠惠子弟進秩者五人五年葬元辰時上元欲觀燈帝為移次夕元辰性謹讓在藩鎮有憂民心待賓佐以禮喜讀春秋左氏聲色狗馬一不介意所得祿賜即給親

族孤貧者將赴徐州請對言臣族屬至多其堪祿仕者皆為表薦餘皆均奉贍之公主有乳媼得入參宮禁元辰慮其去後安有請託白上拒之真宗深所嘉歎于帝壻中獨稱其賢及歿甚悼惜之且以元辰得疾本州不以聞詔勅其官屬子守禮至六宅使澄州刺史以帝甥特贈和州防禦使守嚴至內殿崇班天禧中錄守嚴子承嗣承緒並為殿直守良為內殿崇班守讓閤門祇候

邪國大長公主

按宋史公主列傳邪國大長公主太平興國七年為尼號圓明大師八年卒至道三年追封曹國長公主景祐三年進大長公主元符改邪國

陳國大長公主

按宋史公主列傳陳國大長公主開寶五年封永慶公主下嫁右衛將軍魏咸信太宗即位進封號國淳化元年改齊國真宗初進許國長公主咸平二年薨

諡貞惠後改恭惠景祐三年追封大長公主元符改封陳國政和改賢惠大長帝姬 按魏仁浦傳仁浦子咸信字國寶建隆初授朝散大夫太子右坊通事舍人改供奉官初太祖在潛邸昭憲太后嘗至仁浦第咸信方幼侍母側儼如成人太后奇之欲結姻好開寶中太宗尹京成昭憲之意延見咸信于便殿命與御帶黨進等較射稱善遂選尚永慶公主授右衛將軍駙馬都尉踰年出領吉州刺史太平興國初真

拜本州防禦使四年詔用奉外賜錢十萬五年坐遣親吏市木西邊矯制免所過稅算罰一季奉俄遷慎州觀察使雍熙三年冬契丹擾邊王師出討悉命諸

主瑁鎮要地王承衍知大名石保吉知河陽咸信知澶州四年本郡黃河清咸信以聞詔褒答之籍田畢就拜彰德軍節度八月遣歸治所淳化四年河決澶淵陷北城再命知州事太宗親諭方略傳置而往特遣閤承翰修河橋咸信請及流水未下造舟為便承翰入奏方冬難成請權罷其役咸信因其去乃集工成之奏至上大悅河平遣還役兵俄詔留梁隄咸信以為天寒地涸無決溢之患復奏罷之真宗即位改定國軍節度咸平中大閱東郊以為舊城內都巡檢

車駕北征為貝冀路行營都統署詔督師至貝州敵入退召還行在所景德初從幸澶州石保吉與李繼隆為排陣使契丹請和帝置酒行宮面賞繼隆保吉咸信避席自愧無功上笑而撫慰之二年改武成軍節度知曹州秋霖積潦咸信決廣濟河隄以導之民田無害扈駕朝陵還上言先墳在洛欲立碑求蒞盟津以便其事即改知河陽大中祥符初從東封加檢校太尉將祀汾陰命知澶州令入內副都知張繼能諭旨移鎮忠武軍節度未幾召還年已昏眊見上希旨求寵渥七年表乞任用上出示中書向敏中曰咸信聯榮戚里位居節制復何望耶是冬以新建南京獎太祖舊臣加同平章事俄判天雄軍天禧初改陝州大都督府長史保平軍節度有感風疾告歸真宗嘗謂宰相曰咸信老病諸子不克承順身後復能保守其家業耶未幾卒年六十九贈中書令錄其諸子孫姪遷官者七人咸信頗知書善待士然性吝喜利仁浦所營邸舍悉擅有之既卒為諸姪所訟時人恥之子昭易昭亮昭侃昭易西京作坊使知隰州昭侃

改名昭明為崇儀使

楊國大長公主 下嫁柴宗慶

按宋史公主列傳楊國大長公主至道三年封宣慈長公主咸平五年進魯國下嫁左衛將軍柴宗慶賜第普寧坊宗慶禹錫之孫帝命主以婦禮謁禹錫第歷徙韓魏徐福四國仁宗立進鄧國大長公主明道二年薨追封晉國諡和靖元符封楊國政和改和靖大長帝姬主性妬宗慶無子以兄子為後 按柴宗慶傳宗慶字天祐大名太祖禹錫鎮寧軍節度使父宗亮太子中含宗慶尚太宗女魯國長公主升其行為禹錫子拜左衛將軍駙馬都尉領恩州刺史禹錫卒真拜康州防禦使改復州舊制諸公主宅皆雜買務市物宗慶遣家僮自外州市炭所過免算至則盡鬻之復市於務中自是詔雜買務罷公主宅所市物從祀汾陰為行宮四面都巡檢進泉州管内觀察使又自言陝西市材木至京師求獨所過稅真宗曰向諭汝毋私販以奪民利今復爾耶既而河東提點刑獄劾宗慶私使人市馬不輸稅貨不問授武勝軍節度觀察留後歷拜彰德軍節度使仁宗即位徙靜難軍又徙永清彰德軍拜同中書門下平章事徙節武成軍出知澶州未行改陝州潞州後判鄭州以縱部曲擾民召還奉朝請減公用錢四百萬久之出判濟州用御史中丞賈昌朝言留不遣盡停本使公使錢卒贈中書令諡曰榮密主累封楚國大長公主先宗慶沒宗慶歷官多過失性極貪鄙積財鉅萬而薄於自奉甚至優人以為戲宗慶雖知莫能改也無子及終願以貲產送官仁宗以其女尚幼不許人謂宗

慶選尚榮貴逾四十年晚上積奉以裨軍用蓋亦追補前過云

雍國大長公主 下嫁王貽末

按宋史公主列傳雍國大長公主至道三年封賢懿長公主咸平六年下嫁右衛將軍王貽末進封鄭國賜第景德元年薨諡懿順景祐三年追封大長公主皇祐三年改韓國徽宗改封雍國政和改懿順大長帝姬 按王貽末傳貽末字季長博之孫也性清慎寡言頗通書不好聲技初生十餘歲時其舅魏咸信見而奇之曰後當類我咸平中尚鄭國公主授右衛將軍駙馬都尉從封泰山領高州刺史再遷右監門衛大將軍獎州團練使求外補得知單州真宗戒之曰和衆靜治卿所當先也真拜洛州團練使徙徐州河決滑州徐大水貽末作隄城南以禦之改衛州團練使進懷州防禦使知澶定二州徙成德軍會有告曹洎變者貽末奏治之遷耀州觀察使復知澶州歷彰化武定軍節度使觀察留後拜安德軍節度使出知天雄軍徙保寧軍節度使知鄆州州自咸平中徙城而故治為通衢介梁山春夏多水患貽末相度地勢為築東西道三十餘里民便之復徙定州又徙成德軍擢同知樞密院事改副使加宣徽南院使進樞密院使久之拜同中書門下平章事遂加兼侍中徙節鎮海以疾求罷手詔撫諭遣上醫診視帝臨問頒尚方珍藥手取糜粥食之貽末自言寵祿過盛願罷樞解使相還第帝冀其愈也乃聽罷侍中徙彰德節度使同平章事樞密使如故疾稍間入見命其子道卿掖登垂拱殿仍賜五日一朝遇朝參起居許休

於殿側至和初復以疾辭拜尚書右僕射檢校太師兼侍中景靈宮使卒贈太師中書令諡康靖當時無外姻輔政者貽末能遠權勢在樞密十五年迄無過失人稱其謙靜子道卿西上閣門使

衛國大長公主

按宋史公主列傳衛國大長公主至道三年封壽昌長公主大中祥符二年進封陳國改吳國號報慈正覺大師改楚國又改邠國天禧二年改建國乾興元年封中國大長公主天聖二年薨賜諡慈明徽宗改衛國政和改慈明大長帝姬

荆國大長公主 下嫁李遵勳

按宋史公主列傳荆國大長公主幼不好弄未嘗出房闥太宗嘗發寶藏令諸女擇取之欲以觀其志主獨無所取真宗即位封萬壽長公主改隨國下嫁駙馬都尉李遵勳舊制還尚者降其父為兄弟行時遵勳父繼昌亡恙主因繼昌生日以舅禮謁之帝聞密以兼衣寶帶器幣助其為壽遵勳賓客皆一時賢士每燕集主必親視饗餼嘗有盜入主第帝命有司訊捕主請出所逮繫人以私錢募告者果得真盜法當死復請賞之歷封越宿鄂襄四國明道元年進魏國初遵勳出守許州暴得疾主亟欲馳視之左右白須奏得報乃可行主不待報而往從者纔五六人帝聞遽命內侍督諸縣邏兵以衛主車其後居夫喪哀麻未嘗去身服除不復御華麗嘗燕禁中帝親為簪花辭曰自誓不復為此久矣嘗因浴仆地傷右肱帝遣內侍責侍者主曰年衰力弱不任步趨非左右之過由是悉得免主善筆札喜圖史能為歌詩尤善女工